



Story Power - Tlisa maatla a leinane gae

Tshimologo: Itumelele leinane mmogo!


Selo sa botlhokwa thata se o tshwanetseng go se dira fa o buisetsa bana ke go itumelela seo gonne fa go ntse jalo, ba tla ithuta gore go buisa ke tiro ya boithabiso. Ga go na ditsela tse di nepagetseng kgotsa tse di sa nepagalang tsa go buisetsa bana, mme go na le matlhababotlhale mangwe a rona a go itumelela dibuka mmogo.

Leng?

1. Itumelele mainane mmogo ka dinako tse go nnang bonolo gore bana ba gago ba iketle le go ritibala ka tsone, jaaka morago ga go tlhapa kgotsa pelenyana ga ba robala maitseboa.
2. Bana ba banye kgotsa bana ba ba lapileng gantsi ba fitlhela go se bonolo go tsepamisa mogopolo ka nako e telele, ka jalo o se ka wa buisetsa sebaka se se telele thata.

Kae?

1. Batla lefelo le le didimetseng, le ba ka iketlang mo go lone gore o ba buisetse. Tima dikhomphiutha dipe, di-TV le diradio!



RE ANELE LEINANE LA GAGO

Dibuka le mainane a bopile botshelo jwa gago le matshelo a bana ba gago jang? A di go thusitse go tlhalosetsa ngwana wa gago seemo se se seng bonolo? Kgotsa a go lemoga leinane le le rategang go rotloeditse bana ba gago go buisa le go thusa go tokafatsa puiso ya bona kwa sekolong? Re bolelele mo Facebook (www.facebook.com/nalibaliSA) kgotsa Twitter (www.twitter.com/nalibaliSA) o dirisa hashtag #StoryPower mme re ka tlhagisa gore mainane a nnile jang le tlhotlheletso mo botshelong jwa gago mo karolong ya tlaleletso e e ka ga go buisetsa boitumelo kgotsa mo webosaeteng ya rona.

T: +27 (21) 448 6000

E: info@nalibali.org

www.nalibali.org

www.nalibali.mobi

[f nalibaliSA](https://www.facebook.com/nalibaliSA)

[@nalibaliSA](https://twitter.com/nalibaliSA)

[@nalibaliSA](https://www.instagram.com/nalibaliSA)



Jang?

1. Nna gaufi le ene gore mmogo le kgone go bona ditshwantsho le mafoko a a mo tsebeng bonolo.
2. Simolola ka go buisa leina la mokwadi (le motshwantshi) gore bana ba itumelele gore dibuka di dirilwe ke batho ba ba tshwanang fela le bone!
3. Buisa ka tlhagisomaikutlo e e tseneletseng ka moo o ka kgonang ka teng - bana ba gago ba tla itumelela seo!
4. Batla ditsela tsa go ba gogela mo leinaneng fa o ntse o buisa. Sekai, ba botse gore ba akanya gore go ka diragala eng se se latelang, buisana le bone ka setshwantsho sengwe kgotsa ba kope go go phethela ditsebe.
5. Oketsa go tlhaloganya ga bone ka go botsa, "Seo se go gopotsa eng?", "Goreng o akanya gore o dirile seo?" le "O ne o tla dira eng?" Dipotso tse di tshwanang le tse di thusa go golaganya mainane le matshelo a bana le go ba thusa go lemoga gore mainane a dira jang.
6. Fa bana ba gago ba go kopa go buisa leinane gape ... le gapegape, dira jalo! Ba tla lemoga dilo tse dintšhwa ka leinane nako le nako. Fa ba tswela go itse mainane botoka, ba kope go buisa le wena.
7. Fa bana ba gago ba kgona go buisa, o se ka wa emisa go ba buisetsa! Tlhopa dibuka tse di seng bonolo thata le tse di raraaneng thata go feta tse ba ka di ipuisetsang ka bobone. Fa le buisa mmogo dibuka tse di arogantsweng ka dikgaolo, buisa kgaolo e le nngwe kgotsa tse pedi letsatsi le letsatsi kgotsa batla golo gongwe moo o ka emisang gone moo go tla dirang gore ba gago ba batle go boela mo teng kamoso go utlwa go le gontsi!



SABC
EDUCATION 

T: +27 (21) 448 6000

E: info@nalibali.org

 www.nalibali.org

 www.nalibali.mobi

 [nalibaliSA](https://www.facebook.com/nalibaliSA)

 [@nalibaliSA](https://twitter.com/nalibaliSA)

 [@nalibaliSA](https://www.instagram.com/nalibaliSA)

